



MUNDA cor meum ac lábia mea, omnipotens Deus, qui lábia Isaiaë prophétæ cáculo mundásti ignito: ita me tua grata miseratióne dignáre mundáre ut sanctum Evangélium tuum, digne váleam nuntiáre. Per Christum Dóminum notsrum. Amen.

Sacerdos offerens Hostiam super patenam, dicit:

SUSCIPE, sancte Pater, omnipotens ætérne Deus, hanc immaculátam hóstiám, quam ego indignus fámulus tuus óffero tibi Deo meo vivo et vero, pro innumerábilibus peccátis, et offensió nibus, et negligéntiis meis, et pro ómnibus circumstántibus, sed et pro ómnibus fidélibus christiánis vivis atque defúntis: ut mihi, et illis proficiat ad salútem in vitam ætérnam. Amen.

Offerens calicem, dicit:

OFFERIMUS tibi, Dómine, cálicem salutáris, tuam deprecántes cleméntiam: ut in conspéctu divinæ majestátis tuæ, pro nostra et totiús mundi salúte cum odóre suavitatís ascéndat. Amen.

IN spiritu humilitátis, et in ánimo contrito suscipiámur a te, Dómine: et sic fiat sacrificium nostrum in conspéctu tuo hódie, ut pláceat tibi, Dómine Deus.

VENI, Sanctificátor, omnipotens, ætérne Deus: et béne **X** dic hoc sacrificium tuo sancto nómini præparátum.

SUSCIPE, sancta Trinitas, hanc oblati ónem, quam tibi offerimus ob memóriam passiónis, resurrecti ónis, et ascensi ónis Jesu Christi Dómini nostri: et in honórem beatæ Mariæ semper Virgínis et beáti Joánnis Baptistæ, et sanctórum Apostolórum Petri et Pauli, et istórum, et ómnium Sanctórum: ut illis proficiat ad honórem, nobis autem ad salútem: et illi pro nobis intercédere dignéntur in cælis, quorum memóriam ágimus in terris. Per eúmdem Christum Dóminum nostrum. Amen



Accipiens in manibus Hostiam, dicit:

QUI pridie quam paterétur, accépit panem in sanctas, ac venerábiles manus suas, et elevátis óculis in cælum ad te Deum Patrem suum omnipoténtem, tibi grátias agens, bene **X** dixit, fregit, deditque discipulis suis, dicens: Accipite, et manducáte ex hoc omnes.

HOC EST ENIM CORPUS MEUM.

SIMILI modo, postquam cenátum est, accipiens et hunc præclárum Cálicem in sanctas ac venerábiles manus suas: item tibi grátias agens, bene **X** dixit, deditque discipulis suis, dicens: Accipite, et bibite ex eo omnes,

**HIC EST ENIM CALIX SANGUINIS MEI, NOVI
ET ÆTERNI TESTAMENTI: MYSTERIUM
FIDEI: QUI PRO VOBIS ET PRO MULTIS
EFFUNDETUR IN REMISSIONEM
PECCATORUM.**

Hæc quotiescúmque feceritis, in mei memóriam faciétis.



Particulam Hostiæ imponit in Calicem, dicens secreto:

HÆC commixtio, et consecrátió Córporis et Sánguinis Dómini nostri Jesu Christi, fiat accipiéntibus nobis in vitam ætérnam. Amen.

Ante sumptionem Sacramenti inclinatus dicit:

DOMINE Jesu Christe, Fili Dei vivi, qui ex voluntáte Patris, cooperánte Spíritu Sancto, per mortem tuam mundum vivificásti: libera me per hoc sacrosánctum Corpus et Sánguinem tuum ab ómnibus iniquitatibus meis, et univérsis malis: et fac me tuis semper inhærére mandátis, et a te numquam separári permittas. Qui cum eódem Deo Patre et Spíritu Sancto vivis et regnas Deus in sæcula sæculórum. Amen.

PERCEPTIO Córporis tui, Dómine Jesu Christe, quod ego indignus sumere præsumo, non mihi provéniat in iudicium et condemnati ónem: sed pro tua pietáte, prosit mihi ad tutaméntum mentis et córporis, et ad medélam percipiédam. Qui vivis et regnas cum Deo Patre in unitáte Spíritus Sancti Deus, per ómnia sæcula sæculórum. Amen.

In fine missæ ante benedictionem dicit:

PLACEAT tibi, sancta Trinitas, obséquium servitútis meæ: et præsta: ut sacrificium, quod óculis tuæ majestátis indignus óbtuli, tibi sit acceptábile, mihi que et ómnibus, pro quibus illud óbtuli, sit, te miseránte, propitiábile. Per Christum Dóminum nostrum. Amen.